

歷代帝王宅京記卷十三

崑山顧炎武著

吳縣朱記榮校刊

建康

吳

吳志孫權傳曰建安十六年自吳徙治秣陵十七年城石頭改秣陵為建業

張紘傳曰紘建計宜出都秣陵權從之註引江表傳曰楚武王所置名為金陵地勢岡阜連石頭訪問故老云昔秦始皇東巡會稽經此縣望氣者云金陵地形有王者都邑之氣故掘斷連岡改名秣陵令處所具有地有其氣天之命宜為都邑權善其議未能從也後劉備之東宿秣陵周觀地形亦勸權都之權曰智者意同遂都焉黃初二年自公安都鄂改名武昌

歷代帝王宅京記卷十三

宋氏槐廬校刊

黃龍元年秋九月遷都建業因故府不改館

赤烏八年秋八月遣校尉陳勳將屯田及作士三萬人

鑿句容中道自小其至雲陽西城通會市作邸閣

十年春二月權適南宮三月改作太初宮諸人及州郡皆義作江表傳載權詔曰建業宮乃朕從京來所作將復而可徙武昌宮材瓦更繕治有司奏言曰武昌宮已二十八年歲恐不堪用宜下所在通更伐致權曰大禹以卑宮室為美今軍事未已所在多賦若更通伐妨損農桑徙武昌材瓦自可用也建康宮殿簿曰太初宮中有神龍殿去縣三里左太沖吳都賦云抗神龍之華殿是也赤烏殿在縣東北五里

十一年春三月宮成

孫亮傳曰五鳳二年冬十二月作太廟
孫皓傳曰甘露元年秋九月從西陵督步闡表徙都武

昌

寶鼎元年冬十二月還都建業二年夏六月起顯明宮

冬十二月皓移居之

太康地記曰吳有太初宮方三百丈權所起也昭明宮方五百丈皓

所作也

避晉諱故曰顯明吳麻云顯明在太初之東

江表傳曰皓營新宮二千石以下皆自入山督攝伐

木又破壞諸營大開園囿起土山樓觀窮極

伎巧工役之費以億萬計陸凱固諫不從

陸凱傳上疏言武昌土地實危險而脊确非王都安國

養民之處船舶則沉漂陵居則峻危且童謠言甯飲建

業水不食武昌魚甯還建業死不止武昌居臣聞翼星

為變熒惑作妖童謠之言生於天心乃以安居而比死

足明天意知民所苦也

宋書禮志曰孫權始都武昌及建業不立郊兆至末年

歷代帝王宅京記卷十三

二

朱氏槐廬校刊

太元元年十一月祭南郊其地今秣陵縣南十餘里郊

中是也

又曰孫權於建業立兄長沙桓王策廟於朱爵橋南子

亮代立明年正月於宮東立權廟曰太祖廟孫皓追尊

父和曰文皇帝寶鼎二年立廟京邑號曰清廟

晉

晉書元帝本紀曰建武元年春三月立宗廟社稷於建

康

冬十一月丁卯立太學

太興元年冬十一月新作聽訟觀

禮志曰太興二年立南郊於己地

成帝本紀曰咸和四年春正月蘇碩攻臺城焚太極東堂秘閣皆盡二月以建平園爲宮

五年秋九月造新宮始繕苑城

世說曰桓宣武移鎮南州制街衢平直人謂王東亭丞相初營建康無所因承而制置紆曲方此爲劣東亭曰此丞相乃所以爲巧江左地促不如中國若使阡陌條暢則一覽而盡故紆餘委曲若不可測

七年冬十二月庚戌帝遷於新宮

八年春正月辛亥朔詔曰昔大賊縱暴宮室焚蕩元惡雖翦未暇營築有司屢陳朝會逼狹遂作斯宮子來之勞不日而成旣獲臨御大饗羣后九賓充庭百官象物

歷代帝王宅京記卷十三

三

朱氏槐廬校刊

知君子勤禮小人盡力矣思蠲密網咸同斯會其赦五歲刑以下

禮志曰咸和八年正月於覆舟山南北郊

又曰咸和中詔內外諸軍戲兵於南郊之場故其地因名鬪場

宋書禮志曰明帝大甯三年七月始詔立北郊未及建而帝崩故成帝咸和八年正月追述前旨於覆舟山南立之

本紀又曰咸康二年冬十月新作朱雀浮桁

三年春正月辛卯立太學

宋書禮志曰孝武時以太學在水南縣遠有司議依升平

元年於中堂權立行太學

禮志曰海西公於鍾山立流杯曲水延百僚

孝武帝本紀曰太元三年春二月乙巳作新宮帝移居會稽王邸秋七月辛巳帝入新宮

王彪之傳曰彪之與謝安共掌朝政安欲更營宮室彪之曰中興初卽位東府殊爲儉陋元明二帝亦不改制蘇峻之亂成帝止蘭臺都坐殆不蔽寒暑是以更營修築方之漢魏誠爲儉狹復不至陋殆合豐約之中今自可隨宜增益脩補而已疆寇未殄正是休兵養士之時何可大興功力勞擾百姓安曰宮室不壯後世謂人無能彪之曰在天下事當保國甯家朝政未允豈以脩屋宇爲能耶安無以奪故終彪之之世不改營焉

彪之以太元二年

歷代帝王宅京記卷十三

四

氏槐盧校刊

年十月卒

謝安傳曰是時宮室毀壞安欲繕之尙書令王彪之等以外寇爲諫安不從竟獨決之宮室用成皆仰模元象合體辰極而役無勞之

疑之字

徐廣晉紀曰孝武甯康二年尙書令王彪之等欲改作新宮太元三年二月內外軍六千人始營築至七月而成太極殿高八丈長二十七丈廣十丈尙書謝萬監視賜爵關內侯大匠毛安之關中侯

此言敝作新宮出於彪之似未審

宋明帝文章志曰太元中新宮成議者欲屈王獻之題榜以爲萬代寶謝安與王語次因及魏時起凌雲閣忘題榜乃使韋仲將懸梯上題之欲以此風動其意王解

其旨正色曰此奇事者仲將魏朝大臣甯可使其若此有以知其德之不長安知其心乃不復逼之

本紀又曰六年春正月帝初奉佛法立精舍於殿內引諸沙門以居之

十六年春正月庚申改築太廟秋九月新廟成

禮志曰太廟殿正室十四間東西儲各一間合十六間棟高八丈四尺

本紀又曰十七年秋八月新作東宮

二十一年春正月造清暑殿

夏四月新作永安宮

二十一年秋九月庚申帝崩於清暑殿帝爲清暑殿有

歷代帝王宅京記卷十三

五

朱氏槐廬校刊

識者以爲清暑反爲楚聲哀楚之徵也俄而帝崩

王雅傳曰帝起清暑殿於後宮開北上閣出華林園與美人張氏同遊止惟雅與焉

宋書五行志曰晉孝武太元中立殿內名曰清暑少時而崩時人曰清暑者反言楚聲也果有哀楚之聲有人曰非此之謂也識云代晉者楚及桓元篡逆自號曰楚桓元傳曰將脩殿宇乃移入東宮又開東掖平昌廣莫及宮殿諸門皆爲三道

宋書禮志曰晉氏南遷立南郊於巳地

安帝本紀曰義熙十年城東府

宋書武帝本紀亦曰義熙十年築東府起府舍

宋

南史宋文帝本紀曰元嘉十五年秋七月新作東宮
宋書文帝本紀曰元嘉二十五年春正月於臺東西開
萬春千秋二門

又曰元嘉二十年度宮之辰地八里之外整制千畝開
阡陌立先農壇於中阡西陌南御耕壇於中阡東陌北

又曰元嘉二十年復立國子學二十七年廢
又曰禮左宗廟右社稷歷代尊之故洛京社稷在廟之
右而江左又然也吳時宮東門雩門疑吳社亦在東宮
與廟同所也宋仍舊無所改作

二十三年築北堤立元武湖於樂遊苑北築景陽山於
華林園

何尚之傳曰上欲於湖中立方丈
蓬萊瀛洲三神山尚之固諫乃止

歷代帝王宅京記卷十三 六

宋氏槐廬校刊

二十五年夏四月乙巳新作閭闔廣莫二門改先廣莫
門曰承明開陽門曰津陽

孝武帝本紀曰孝建元年春正月起正光殿
大明三年秋九月壬辰於元武湖北立上林苑

禮志曰孝武大明三年九月尚書左丞徐爰議郊祀之
位遠古蔑聞禮記燔柴於泰壇祭天也兆於南郊就陽
位也漢初甘泉河東禋埋易位終亦徙於長安南北光
武紹祚定二郊雒陽南北晉氏過江悉在北及郊兆之
議紛然不一又南出道狹未議開闡遂於東南已地創
立丘壇皇宋受命因而弗改且居民之中非邑外之謂
今聖圖重造舊章畢新南驛開塗陽路修遠謂宜移郊

正午以定天位博士司馬興之傅郁太常丞陸澄並同
爰議乃移郊兆於秣陵牛頭山西正在宮之午地世祖
崩前廢帝卽位以郊舊地爲吉祥移還本處

又曰北郊晉成帝世始立本在覆舟山南宋太祖以其
地爲樂遊苑移於山西北後以其地爲北河移於湖塘
西北其地卑下泥濕又移於白石邨東其地又以爲湖
乃移於鍾山北京道西與南郊相對後罷白石東湖北
郊還舊處

又曰大明三年冬十一月甲子立皇后蠶宮於西郊
隋書禮儀志曰宋孝武大明四年始於臺城西白石里
爲先蠶設兆域置大殿七間又立蠶觀

歷代帝王宅京記卷十三

七

宋氏槐廬校刊

南史宋孝武帝紀曰大明五年夏五月起明堂於國學
南丙巳之地

五年秋閏九月丙申初立馳道自閭闔門至於朱雀門
又自承明門至於元武門

六年夏四月庚申新作大航門

五月丙戌置凌室於覆舟山脩藏冰之禮
七年冬十二月己未於博望梁山立雙闕

武帝本紀曰孝武大明中壞上所居陰室於其處起玉
燭殿與羣臣觀之牀頭有土鄣壁上葛燈籠麻繩拂侍
中袁顥盛稱上儉素之德孝武不答獨曰田舍公得此
已爲過矣

前廢帝本紀曰大明八年秋七月乙卯罷南北二馳道
景和元年秋八月庚辰以石頭城爲長樂宮東府城爲
未央宮甲申以北邸爲建章宮南第長楊宮

己丑復立南北二馳道

良吏傳曰晉世諸帝多處內房朝宴所臨東西二堂而
已孝武末年清暑方構高祖受命無所改作所居唯稱
西殿不制嘉名太祖因之亦有合殿之稱及世祖承統
制度奢廣犬馬餘菽粟土木衣綿繡追陋前規更造正
光玉燭紫極諸殿雕欒綺節珠窗網戶嬖女幸臣賜傾
府藏

齊

歷代帝王宅京記卷十三

八

宋氏槐廬校刊

南齊書高帝本紀曰建元二年夏五月立六門都墻

王儉傳曰上壞宋明帝紫極殿以材柱起宣陽門儉與
褚淵及叔父僧虔連名上表諫上手詔酬納

宋世外六門設竹籬是年初有發白虎樽者言白門三
重門竹籬穿不完上感其言改立都牆儉又諫上答曰
吾欲令後世無以加也

王儉集有諫壞宋明帝紫極殿以材柱起宣陽門表其
文曰臣聞德者身之基儉者身之輿春臺將立晉卿秉
議北宮肇構漢臣盡規彼二君者或列國常侯或守文
中主尙使諫諍在義卽悅陛下聖哲應期臣等職司隆
重敢藉前誥竊乃有心陛下登庸幸物節省之數旣昭

龍衮璣極簡約之訓彌遠乾華外構采椽不斲紫極故材爲宣陽殿臣等未譬也夫移心疾於股肱非良醫之美畏影迹而馳驚豈靜處之方且又三農在日十畛咸事輟望歲之勤興土木之役非所以宣昭大獻光示遐邇若以門居宮南重陽所屬年月稍久漸就淪胥自可隨宜修理而合度改作之煩於是乎息所啟謬合請付外施行

武帝本紀曰永明元年春正月甲子築青溪舊宮

梁書阮孝緒傳建武末青溪宮東門無故自崩大風拔東宮門外楊樹或以問孝緒曰青溪皇家舊宅齊爲木行東者木位今東門自壞其衰矣

歷代帝王宅京記卷十三

九

宋氏槐廬校刊

南史齊和帝紀永明中望氣者云新林婁湖青溪竝有天子氣於其處大起樓苑宮觀武帝屢遊幸以應之又起舊宮於青溪以弭其氣而明帝舊居東府城西延興末明帝龍飛至是梁武帝衆軍城於新林而武帝舊宅亦在征虜

二年秋七月癸未詔曰夫樂所自生先哲垂誥禮不忘本積代同風是以漢光遲回於南陽魏文殷勤於譙國清宮體天含暉則地栖寶光定靈源允集符名在昔期運初開經綸方遠繕築之旁我則未暇時流事往永惟哽咽朕以寡薄嗣奉鴻基思存締構式表王迹考星創制揆日興功子來告畢規摹昭備宜申豐落之禮以暢

感慰之懷可克日小會八月丙午車駕幸舊宮小會設

金石樂

梁書南平王偉傳齊世青溪宮改為芳林苑天監初賜偉為第偉又加穿築增植嘉樹珍果窮極雕麗每與賓客遊其中命從事中郎蕭子範為記之

王儉傳曰永明三年省總明觀於儉宅開學士館

南齊書王

謚傳宋末領東觀祭酒即明帝所置總明觀也

本紀又曰五年秋九月辛卯車駕幸商飈館上所立在孫陵岡世呼為九日臺者也

冬十月初起新林苑

十一年秋七月上大漸詔曰內殿鳳華壽昌耀靈三處是吾所治製夫貴有天下富兼四海宴處寢息不容乃陋謂此為奢儉之中慎勿壞云

歷代帝王宅京記卷十三

十

宋氏槐廬校刊

鬱林王本紀曰毀世祖招婉殿乞閹人徐龍駒為齋

明帝本紀曰建武元年冬十一月詔省新林苑先是民地悉以還主原責本直

二年冬十月丁卯詔曰軌世去奢事殷哲后訓物以儉理鏡前王朕屬流弊之末襲澆浮之季雖恭已宏化刻意隆平而禮讓未興侈華猶競永覽元風兢言集愧思所以還淳改俗反古移民可罷東田毀興光樓

本紀又曰廢文帝所起太子東田斥賣之蓋文惠太子所起

又曰帝潛信道術巫覡云後湖水頭經過宮內致帝有疾帝乃自至大官行水溝左右啟大官若無此則不立

帝決意塞之欲南引淮流會崩事寢

東昏侯本紀曰後宮遭火之後更起仙華神仙玉壽諸殿刻畫雕綵青葍金口帶麝香塗壁錦幔朱簾窮極綺麗繫役工匠自夜達曉猶不副速乃剔取諸寺佛刹殿藻井仙人騎獸以充足之世祖興光樓上施青漆世謂之青樓帝曰武帝不巧何不純用琉璃

三年夏於閱武堂起芳樂苑山石皆塗以五采跨池水立紫閣諸樓觀壁上畫男女私褻之像種好樹美竹天時盛暑未及經日便就萎枯於是徵求民家望樹便取毀撤牆屋以移致之朝栽暮拔道路相繼花藥雜草亦復皆然

歷代帝王宅京記卷十三

十一

宋氏槐廬校刊

梁

梁書武帝本紀曰天監元年冬十一月己未立小廟

四年春二月立建興苑於秣陵建興里

五年秋八月辛酉作太子宮

六年秋八月京師大水因濤入加御道七尺

九年丁亥改閱武堂爲德陽堂聽訟堂爲儀賢堂

七年春正月戊戌作神龍仁虎闕於端門大司馬門外

二月乙卯新作國門於越城南

九年春正月庚寅新作緣淮塘北岸起石頭迄東冶南岸起後渚籬門迄三橋

十年春三月丁巳築西靜壇於鍾山

十二年春二月辛巳新作太極殿改爲十三間

南史曰以從閭

數 江海銅鐘讚序曰今太極殿前兩大銅鐘周景王鑄也

夏六月癸巳新作太廟增基九尺庚子太極殿成

冬十月丁亥詔曰明堂地勢卑濕未稱乃心外可量就埤起以盡誠敬

普通二年夏四月乙卯改作南北郊

丙辰詔曰夫欽若昊天厯象無違躬執耒耜盡力致敬上協星鳥俯順民時平秩東作義不在南前代因襲有乖禮制可於震方簡求沃野具茲千畝庶允舊章

三年秋八月辛酉作二郊及籍田並畢

魏書蕭衍傳曰崇信佛道於建業起同泰寺又於故宅

歷代帝王宅京記卷十三

十三

朱氏槐廬校刊

立光宅寺於鍾山立大愛敬寺兼營長干二寺皆窮工極巧殫竭財力百姓苦之

大同八年十二月丙辰於宮城西立士林館冬延集學者增廣生員立五館置五經博士天監初則何佟之賀瑒嚴植之明山賓等覆述制旨并撰吉凶軍賓嘉五禮凡一千餘卷高祖稱制斷疑大同中於臺西立士林館領軍朱异太府卿賀琛舍人孔子祛等遞相講述皇太子宣城王亦於東宮宣獻堂及揚州廡開講於是四方郡國趨學向風雲集於京師矣兼篤信正法尤長釋典聽覽餘閒卽於重雲殿及同泰寺講說名僧碩學四部聽衆常萬餘人

太清元年秋九月癸卯王遊苑成

昭明太子傳曰性愛山水於元圃穿築更立亭館與朝士名素著者游其中嘗泛舟後池番禺侯軌盛稱此中宜奏女樂太子不答詠左思招隱詩曰何必絲與竹山水有清音侯慙而止

敬帝本紀曰太平元年冬十一月乙卯起雲龍神虎門元帝本紀曰承聖元年冬十一月丙子卽皇帝位於江陵

二年秋八月庚子詔曰夫爰始居毫不廢先王之都受命於周無改舊邦之頌頃戎旃旣息關柝無驚去魯興嘆有感宵分過沛隕涕寔勞夕寐仍以瀟湘作亂庸蜀

歷代帝王宅京記卷十三

三

朱氏槐廬校刊

阻兵命將授律指期克定今八表又清四郊無壘宜從青蓋之典言歸白水之鄉江湘委輸方船連舳巴峽舟艦精甲百萬先次建業行實京師然後六軍遄征九旂揚旆拜謁瑩陵修復宗社主者詳依舊典以時宣勒後周書王褒傳曰元帝以建業彫殘方須修復江陵殷盛便欲安之又其故府臣僚皆楚人也竝願卽都荆郢嘗召羣臣議之領軍將軍胡僧祐吏部尙書宗慄太府卿黃羅漢御史中丞劉毅等曰建業雖是舊都王氣已盡且與北寇鄰接止隔一江若有不虞悔無所及臣等嘗聞荆南之地有天子氣今陛下龍飛纂業其應斯乎天時人事徵祥如此臣等所見遷徙非宜帝以爲然謂

褒等曰卿意以爲何如褒性謹慎知帝多猜忌弗敢公
言其非唯唯而已後因清閒密諫言辭甚切帝頗納之
然意好荆楚已從僧祐等策明日乃於衆中謂褒曰卿
昨日勸還建業不爲無理褒以宣室之言豈宜顯之於
衆知其計之不用也於是不復言及魏兵至江陵帝出
降

陳

陳書高祖本紀曰永定元年秋七月起太極殿初侯景
之平也火焚太極殿承聖中議欲營之獨闕一柱至是
有樟木六十八圍長四丈五尺流泊陶家後渚監軍鄒
子度以聞詔中書令沈衆兼起部尙書少府卿蔡濤兼
將作大匠起太極殿冬十月甲寅成十二月丙寅帝於
太極殿東堂宴羣臣設金石之樂

歷代帝王宅京記卷十三

丙

宋氏槐廬校刊

梁書王僧辯傳僧辯入據臺城其夜軍人採梠失火燒
太極殿及東西堂等

世祖本紀曰天嘉五年秋九月城西城

六年秋九月新作大航

隋書五行志曰陳天嘉中盛修宮室起顯德等五殿稱
爲壯麗

陳書宣帝本紀曰太建四年冬十二月丁卯詔曰梁氏
之季兵火薦臻承華焚蕩頓無遺構寶命維新迄將二
紀頻事戎旃未遑脩繕今工役差閒椽楹有擬來歲開

肇創築東宮可權置起部尙書將作大匠用主監作

五年夏六月治明堂

七年夏六月己卯改作雲龍神虎門

秋九月丁未於樂遊苑龍舟山立甘露亭

九年冬十二月戊申東宮成

廢帝紀曰自梁室亂離東宮焚燼太子居於永福省

十年秋九月乙巳立方明堂於婁湖甲寅輿駕幸婁湖

臨誓

后妃傳論曰後主初卽位以始興王叔陵之亂被傷卧於承香閣下時諸姬竝不得進唯張貴妃侍焉而柳太后猶居柏梁殿卽皇后之正殿也後主沈皇后素無寵不得侍疾別居求賢殿至德二年乃於光熙殿前起臨

歷代帝王宅京記卷十三

五

朱氏槐廬校刊

春結綺望仙三閣閣高數丈竝數十間其牕牖壁帶懸楣欄檻之類竝以沈檀香木爲之又飾金玉閒以珠翠外施珠簾內有寶牀寶帳其服玩之屬瑰奇珍麗近古所未有每微風暫至香聞數里朝日初照光映後庭其下積石爲山引水爲池植以奇樹雜以花藥後主自居臨春閣張貴妃居結綺閣龔孔二貴嬪居望仙閣竝複道交相往來

後主末年起齊雲觀國人歌之曰齊雲觀寇來無際畔

南唐

南唐書烈祖紀曰天祐十一年始城昇州

十四年夏五月城成

昇元元年冬十月丙申以建康爲西都

二年冬十月丙子立太學

三年春三月甲午作南郊行宮千閒

夏四月作北郊於元武湖西

四年冬十一月庚辰改西都崇英殿爲延英殿凝華內殿前爲昇元殿後爲雍和殿興祥殿爲照德殿積慶殿爲穆清殿

帝性節儉建國始卽金陵治所爲宮唯加鳴尾設欄檻而已終不故作

周宗傳曰烈祖鎮金陵用宋齊邱議迎吳讓皇都金陵繕府治爲宮徙都統府於古臺城都統府成凡二千四百閒環一千五百步

光緒歲在著雍困敦春月吳縣朱記榮槐廬家塾校刊
歷代帝王宅京記卷十五終